

Исломий фикҳ академияси қандай нуфузга эга?

ISLOMIY FIQH AKADEMIYASI
RAHBARIYATI VA
ENG FAOL A'ZO ULAMOLARI

المجمع الفقهي الإسلامي
The Islamic Fiqh Council

Country	Name	Title
UZBEKISTON	SHAYX DOKTOR SOLIH BIN ABDULLOH HUMAYD, MASJIDUL HADITH IMOM-XATIBI	SAUDIYA ARABISTONI
UZBEKISTON	SHAYX DOKTOR SHAYOIY IBROHIM ALLOM, MISR DIYOHI MUFTIYSI	YEMEN RAHBAR
UZBEKISTON	SHAYX NURIIDDIN XOLIMAZAR, O'ZBEKISTON MUSULMONLARI IDORASI RAISI, MUFTIY	UZBEKISTON
UZBEKISTON	SHAYX DOKTOR QUTB MUSTAFO SANU, "SODAQ SHARIH" RAISI	SAUDIYA ARABISTONI
UZBEKISTON	SHAYX ABDULLOH BIN BAYYA, SHARIY FATVOLAR KENGASHI RAISI	UZBEKISTON RAHBAR
UZBEKISTON	SHAYX DOKTOR ISLAMU VALAD ZAYYID AL-MUSTAFO, FATVO VA SHIKOYATLAR BO'YICHA O'LIY KENGASH RAISI	SAUDIYA ARABISTONI
UZBEKISTON	SHAYX DOKTOR QUTB MUSTAFO SANU, "SODAQ SHARIH" RAISI	SAUDIYA ARABISTONI
UZBEKISTON	SHAYX DOKTOR ODI AHMAD ZAKIYI ATIF, IRSHOD VA VAOF YAZIRI	YEMEN
UZBEKISTON	SHAYX DOKTOR HIYFAN AL-AYYOR ABDUL'ANI, "MARDATUL ULAMO" JAMIYATI RAISI	UZBEKISTON
UZBEKISTON	SHAYX DOKTOR YAHYO XALIL SADAQOV, "MARDATUL ULAMO" JAMIYATI BOSH IZROCHI RAHBARI	UZBEKISTON
UZBEKISTON	SHAYX DOKTOR AHMAD MURAHMAD F'ODIY, "AL-MURAHMAD" ULAMOLAR UYUSHMASI BOSH KOTIBI	SAUDIYA ARABISTONI
UZBEKISTON	SHAYX DOKTOR AHMAD NASAN AT-TOHA, IRBO FIQH AKADEMIYASI RAISI	IRAQ
UZBEKISTON	SHAYX MUHAMMAD AL-MANIF IBROHIM NIYAS, "AFRICA ISLAM UYUSHMASI" RAISI	SENEGAL
UZBEKISTON	SHAYX PROFESSOR SAJID MIYY, "AHULI HADIS" JAMIYATI KATTA RAHBARI	INDONESIYA
UZBEKISTON	SHAYX SHA'DON RAMAZON MUBAJIT, UGANDA MUFTIYSI	UGANDA
UZBEKISTON	SHAYX IBROHIM SOLIH AL-HUSAYN, ISLOM ISHLARI O'LIY KENGASHI O'LIY FATVO RA'YATI RAISI	INDONESIYA
UZBEKISTON	SHAYX DOKTOR AHMAD MURAHMAD HILUL, OZILIK IDORASI RAISI	INDONESIYA
UZBEKISTON	SHAYX ASS'ARALI IMOM HADITHI, "AHULI HADIS" MARKAZIY JAMIYATI BOSHIG'I	UZBEKISTON
UZBEKISTON	SHAYX DOKTOR ABDULLATIF FAYZ DARYAN, LIYAN MUFTIYSI	LIYAN

20:08 / 21.04.2024 1471

Ўзбекистон мусулмонлари идораси раиси, муфтий Нуриддин Холиқназар ҳазратлари мусулмон дунёсида катта мақомга эга бўлган Исломий фикҳ академиясига қабул қилинганлари ҳақида олдин [хабар берган эдик.](#)

Таъкидлаш керакки, ушбу эътироф муфтий ҳазратлари фаолиятлари давомидаги учинчи нуфузли ташкилотга қабул қилинишларидир. Аввал Халқаро мусулмон уламолари кенгаши, Мусулмон донишмандлар кенгаши аъзоликларига қабул қилинганлари ҳақида маълумот берган эдик.

Муҳтарам мухлисларга, Исломий фикҳ академиясининг тузилиши, мақсад ва вазифалари ҳақидаги маълумотларни эътиборингизга ҳавола этамиз.

Исломий фикҳ академияси – Ислом олами уюшмаси (Робитат ал-олам ал-исломий)га қарашли Ислом дунёсининг таниқли фақиҳ ва етук уламоларидан ташкил топган мустақил, юридик мақомга эга бўлган нуфузли илмий ташкилотдир.

Академия 1977 йил 10 декабрда ташкил этилган. Унинг қароргоҳи Саудия Арабистонининг Макка шаҳрида жойлашган.

Академиянинг мақсадлари:

Исломий фикҳнинг эътироф этилган манбаларидан бутун дунё мусулмонлари дуч келаётган замонавий муаммолар, таҳдидлар ва юзага келаётган долзарб муаммоларга оид ҳукмларни ишлаб чиқиш;

Ислом фикҳининг кенг қамровлилигини ва унинг мусулмонлар олдида турган масалаларни ҳал қилишдаги аҳамиятини кўрсатиш;

Ислом фикҳий меросини тарғиб қилиш ва қайта талқин қилиш, атамаларига аниқлик киритиш ҳамда уни давр тили, тушунчаларига мослаштириш;

Исломий фикҳ соҳасидаги илмий тадқиқот ва изланишларни рағбатлантириш, ишлаб чиқилган фикҳий тадқиқотлар, ечимларни оммалаштириш.

Исломий фикҳ академияси ўз мақсадларига эришиш учун барча мавжуд қонуний воситалардан фойдаланади, жумладан:

Ислом олами олдида турган, ўрганишни талаб қиладиган масалаларни кузатиб бориш учун ахборот марказини ташкил этиш;

Ҳуқуқ билан шуғулланувчилар учун ўқиш ва амалиётда фикҳий атамаларга аниқлик киритувчи ва уларни осонлаштирадиган ҳуқуқшунослик ва унинг фанлари бўйича луғатлар ишлаб чиқиш;

Ҳуқуқшуносликка оид илмий журнал чиқариш, Академиянинг энг муҳим тадқиқотлари, муҳокамалари ва қарорларини етказиш ҳамда уларни турли тилларга таржима қилиш;

Академия билан Ислом оламидаги турдош илмий марказлар ўртасида ҳамкорлик ўрнатиш, улар билан илмий ва интеллектуал алмашинувни йўлга қўйиш;

Замонавий муаммолар бўйича илмий семинарлар ўтказиш ва унга мутахассисларни жалб этиш;

Кенгаш қарорлари, тавсиялари ва тадқиқотларини таржима қилиш ва уларни барча мумкин бўлган воситалар, жумладан, интернет, сунъий

йўлдош каналлари ва газеталар орқали нашр этиш.

Исломий фикҳ академияси раҳбарияти ва аъзо уламолари

Академия президенти – Саудия Арабистони Подшоҳлиги Бош муфтийси
Шайх Абдулазиз бин Абдуллоҳ Ол Шайх.

Академия вице-президенти – Ислом Олами Уюшмаси Бош Котиби **Шайх Доктор Муҳаммад Абдулкарим ал-Исо.**

Исломий фикҳ академияси Бош котиби – **Шайх Доктор Абдурахмон бин Абдуллоҳ аз-Зайд**

Академиянинг энг фаол аъзолари:

1. **Шайх Доктор Солиҳ бин Абдуллоҳ Хумайд**, Масжидул Ҳаром имом-хатиби (Саудия Арабистони)
2. **Шайх Доктор Шавқий Иброҳим Аллом**, Миср диёри муфтийси (Миср Араб Республикаси)
3. **Шайх Абдуллоҳ бин Байя**, Шаръий фатволар кенгаши раиси (Бирлашган Араб Амирлиги)
4. **Доктор Қутб Мустафо Сану**, Жидда шаҳридаги Халқаро ислом фикҳи академияси раиси (Саудия Арабистони)
5. **Шайх Нуриддин Холиқназар**, Ўзбекистон мусулмонлари идораси раиси, муфтий (Ўзбекистон)
6. **Шайх Доктор Исламу Валад Саййид ал-Мустафо**, Фатво ва шикоятлар бўйича Олий кенгаш раиси (Мавритания)
7. **Доктор Қози Аҳмад Забин Атийя**, Иршод ва вақф вазири (Яман)
8. **Шайх Доктор Мифтаҳ ал-Ахёр Абдулғани**, “Наҳдатул уламо” жамияти раиси (Индонезия)
9. **Шайх Доктор Яҳё Халил Сатақов**, “Наҳдатул уламо” жамияти бош ижрочи раҳбари (Индонезия)
10. **Шайх Доктор Аҳмад Муҳаммад Иъбодий**, “ал-Муҳаммадия” уламолар уюшмаси Бош котиби (Марокаш)

11. **Шайх Доктор Аҳмад Ҳасан ат-Тоҳа**, Ироқ фикҳ академияси раиси (Ироқ)

12. **Шайх Муҳаммад ал-Маҳий Иброҳим Нияс**, Африка ислом уюшмаси раиси (Сенегал)

13. **Шайх профессор Сажид Мийр**, “Аҳлул ҳадис” жамияти катта раҳбари (Покистон)

14. **Шайх Шаъбон Рамазон Мубажий**, Уганда муфтийси (Уганда)

15. **Шайх Иброҳим Солиҳ ал-Ҳусайний**, Ислом ишлари Олий кенгаши фатво ҳайъати раиси (Нигерия)

16. **Шайх Доктор Аҳмад Муҳаммад Халил**, Қозилик идораси раиси (Иордания)

17. **Шайх Асғарали Имом Маҳдий**, “Аҳлул ҳадис” марказий жамияти бошлиғи (Ҳиндистон)

18. **Шайх Доктор Абдуллатиф Файз Дарян**, Ливан муфтийси (Ливан)

Шуни ҳам эслаб ўтиш керакки, ушбу ташкилотга юртимиздан илк бора фазилатли шайх Муҳаммад Содик Муҳаммад Юсуф ҳазратлари қабул қилинганлар.

Шайх Муҳаммад Содик Муҳаммад Юсуф роҳматуллоҳи алайҳ қуйидаги халқаро ташкилотларнинг аъзоси бўлганлар:

1. Маккаи Мукаррамадаги «Бутун Дунё Ислом Робитаси»нинг таъсис мажлиси аъзоси.
2. Бутун дунё тасаввуф уюшмасининг аъзоси.
3. Бутун дунё Исломий халқлари бошқарувининг бош котибияти аъзоси.
4. Бутун дунё даъват уюшмаси аъзоси.
5. Бутун дунё Уламолари кенгаши уюшмаси аъзоси.
6. Исломобод шаҳридаги Бутун дунё Ислом уюшмаси аъзоси.
7. Маккаи Мукаррамадаги Бутун дунё муфаккир уламолари йиғинининг ижроия қўмитаси аъзоси.
8. Бутун дунё масжидлар уюшмасининг аъзоси.
9. Иорданиядаги Оли Байт муссасасига қарашли Исломий фикрлар академияси аъзоси.

Шунингдек, шайх ҳазратлари Миср Араб Республикаси, Либия

Жамоҳирийяси ва Россия федерациялари каби қатор давлатларнинг
фахрий унвон ва мукофотлари билан тақдирланганлар.